

續
文
獻
通
考

續文獻通考卷之一百二十七

皇明進士雲間王圻纂輯

王禮考 圭璧 符璽

宋

寧宗嘉定十四年七月京東河北節制司蒙國將獻本朝
皇帝恭膺天命之寶詔禮官討論受寶禮儀以聞 是
年閏十二月奉安玉璽于天章閣命近臣告于天地宗
廟社稷 十五年命禮官裒集受寶本末爲書藏于秘
閣

理宗紹定二年趙至道奏申嚴皇城司給牌之制賃牌往
來者照闌入法庶九重之地威禁益嚴亦防微杜漸之

一端從之 寶祐二年詔皇太子忠王授崇寧軍節度使忠王之印 景定三年以李壇效順賜金鍍銀印二金帶朝服繡鞍馬以金帶牙笏各十五副付壇分賜諸將

遼自遙輦氏之世受印于回鶻至耶濶可汗請印于唐武宗始賜奉國契丹印太祖神冊元年梁幽州刺史來歸詔賜印綬是時太祖受位遙輦十年矣會同九年太宗伐晉末帝表上傳國寶一金印三天子符瑞于是歸遼按傳國寶秦始皇作用藍田玉螭紐六面其正面文受命于天既受永昌魚鳥篆于嬰上漢高祖王莽篡漢元皇后授璽殿階螭角微玷獻帝失之孫堅得于井中得

至孫權以歸于魏魏文帝隸刻肩際曰大魏受漢傳國之寶唐更名受命寶晉亡歸遼自三國以來僭偽諸國模擬私製歷代府庫所藏不一莫辨真偽聖宗開泰十年馳驛取石晉所上玉璽于中京興宗重熙七年以有傳國寶者爲正統賦試進士天祚保大二年遺傳國璽于桑乾河 玉印太宗破晉北歸得于汴宮藏隨駕庫穆宗應曆二年詔用太宗舊寶 御前寶金鑄文曰御前之寶以印臣僚宣命 詔書寶文曰書詔之寶凡書詔批答用之 契丹寶受契丹冊儀符寶即奉寶置御座東 金印三晉帝所上其文未詳 皇太后寶制未詳天顯二年應天皇后稱制群臣上璽綬冊承天皇太

后儀符寶即奉寶置皇太后座右 皇后印文曰皇后
教印 皇太子寶未詳其制重熙九年冊皇太子儀中
書令授皇太子寶 臣下印吏部印文曰吏部之印銀
鑄以印文官制誥 兵部印文曰兵部之印銀鑄印軍
職制誥 契丹樞密院契丹諸行軍部署漢人樞密院
中書省漢人諸行宮都部署印並鑄文不過六字以上
以銀硃爲色南北王內外百官印並銅鑄以黃丹爲色
諸稅務以赤石爲色杓窠印杓窠鷺鳥之總名以爲印
紐取疾速之義行軍詔賜將帥用之聖宗嘗賜耶律休
哥道宗賜耶律仁先鷹紐印即杓窠印也 符契金魚
符七枚黃金鑄長六寸各有字號每魚左右判合之有

事以左半先授守將使者執右半大小長短字號合同
然後發兵事訖歸于內府 銀牌二百面長尺刻以國
字文曰宜速又曰勅走馬牌國有重事皇帝以牌親授
使者手劄給驛馬告于驛馬缺取他馬代法晝夜馳七
百里其次五百里所至知天子親臨須索更易無敢違
者使回皇帝親受之 針牌印即官收掌 木契正而
爲陽背面爲陰閣門喚仗則用之朝賀之禮宣徽使請
陽面木契下殿至於殿門以契授西上閣門使云授契
行勘勘契官聲喏跪受契舉手勘契同俛伏與鞠躬奏
外勘閣門使云准勘勘契行勘勘契官執陰面木契聲
喏平身立少退近後引聲云軍將門仗官齊聲喏勘契

官云內出喚仗木契一隻准勅付左右金吾仗行勘勘
契官合不合門仗官云合凡再勘契官云同不同門仗
官云同亦再勘契官近前鞠躬奏勘官左金吾引駕仗
勾畫都知某官某對御勘同平身少退近後右手舉契
云其契謹付閣門使進入閣門使引聲喏門仗官下聲
喏勘契官跪以契授閣門使上殿納契宣徽使受契閣
門使下殿奉勅喚仗 木箭內箭爲雄外箭爲雌皇帝
行幸則用之還宮勘箭官執雌箭東上閣門使執雄箭
如勘契之儀詳具禮儀志

金

太宗天會三年三月幹魯獻傳國寶時獲于遼者玉寶四

金寶二玉寶者通天萬歲之寶一受天明命惟德乃昌
之寶一皆方二十兩聖寶一御封不辨印文寶一金寶
御前之寶一書詔之寶一二寶金初用之獲于宋者王
寶十五金寶之一一金金銀寶五玉寶者受命寶一成
陽所得三寸六分文曰受命于天既壽永昌相傳爲秦
璽也白玉盤踞蓋傳國寶一螭紐二玉並碧色鎮國寶
一文曰承天休運萬億永無極又受命寶一文曰受命
于天既壽永昌天子之寶一天子信寶一天子行寶一
皇帝之寶一皇帝信寶一皇帝行寶一皇帝恭膺天命
之寶二皆四寸八分螭紐御書之寶二一龍紐一螭紐
宣和御筆之寶一螭紐金寶并印者天下同文之寶一

龍紐御前之寶二御書之寶一宣和殿寶一皇后之寶一
皇太子寶一龜紐皇太子妃印一龜紐金塗銀寶者
皇帝欽崇國祀之寶一天下合同之寶一御前之寶一
御前錫賜之寶一書詔之寶一外有宋內府圖書印三
十八內府圖書之印一御書三御筆一御畫一御書王
寶一天子萬年一天子萬壽一龜龍上珍一河洛元瑞
二雲漢之章一奎壁之文一華國之瑞一大觀中秘一
大觀寶篆一政和一宣和一宣和御覽一宣和中秘一
宣和殿制一宣和大寶一宣和書寶二宣和畫寶一常
樂未央一古文二封共三十五面並玉封字一御畫一
二面並碼碯政和御筆一係水晶

熙宗皇統五年始鑄金御前之寶一書詔之寶一

世宗大定十八年御史大夫完顏璋請製大金受命寶有司以泰璽文進上命以大金受命萬世之寶爲文其制徑四寸八分厚一寸四分盤龍紐高厚各四寸六分有半禮部尚書張景仁少府監張僅言領工事詔康光慶篆之二十三年三月鑄宜命之寶金玉各一徑四寸二釐厚一寸四分紐高一寸九分字深二分勅有司議所當用奏今所收八寶及皇統五年造御前之寶賜宋國書及常例目則用之書詔之寶賜高麗夏國詔并頒詔則用之大定十八年造大金受命萬世之寶奉勅再議今所鑄金寶宜以進呈爲始一品及王公妃用玉寶

二品以下用今宣命之寶 二十五年十二月命範銅爲禮信之寶凡賜方外禮物給信袋則用

章宗明昌四年七月命以銀改鑄禮信之寶仍塗以金又有太皇太后皇太后皇后皇太妃寶皆用金 至寧末胡沙虎既弒王時尚宮左夫人鄭氏掌御璽使黃門取之鄭曰璽天子所用胡沙虎人臣取之何爲黃門曰今天下大亂天子尚不自保況璽乎侍御當思自脫計鄭大罵曰爾天子近侍被恩尤厚君難不以死報之反助逆臣奪璽我死可必璽不可得也黃門乃退後竟取宣命之寶投逆黨官職

圭 獲于宋者有玄圭一白玉圭一十九 皇統九年

十月禮部下太常書鎮圭式樣大禮使據三禮圖以進用之 大定十一年太常寺按禮大圭長三尺杼上終葵首天子服之自西魏隋唐以來大圭長三尺一寸與鎮圭同蓋鎮圭以鎮天下四鎮山爲飾今其圭已依古制惟無大圭今御府有故宋白圭玉圓無上綢及終葵首自西魏以來所制玉笏皆長尺有二寸方而不折雖非先生之法蓋後世玉難得隨宜故也擬合以御府所藏行禮就用太子所執桓圭長九寸廣三寸厚半寸用白玉若屋之桓楹爲二稜太子入朝起居及與宴則朝服紫袍玉帶雙魚袋執以桓圭

太子之寶 初世宗大定二十四年辛上京鑄金寶以

授皇太子有司定其文曰監國世宗命以守易監比親王印廣長各加一分龜紐二十八年世宗不豫以皇太子攝政鑄攝政之寶貞祐三年以皇太子守緒控制樞密院詔以金鑄撫軍之寶如世宗時制於啟稟之時用之

符制 穆宗之世諸部長各刻信牌交互馳驛訊事擾人太祖定議自非穆宗之命擅制牌號者真重法自是號令始一收國二年九月始制金牌後又有銀牌木牌之制蓋金牌以授萬戶銀牌以授猛安木牌則謀克蒲董所佩者也故金初與空名宣頭付軍帥以爲功賞通牌卽國之信牌也至皇統五年三月復更改金銀牌其

制不傳大定二十九年製紅油黑字者尚書省文字省
通用之朱漆金字者勅遞用之並掌之左右司有合遞
文字則牌送各部付馬舖轉遞日行二百五十里如臺
部別奏聖旨文字亦給如上制

虎符制 承安元年禮官言漢與郡國守相爲銅虎符
唐以銅魚符起軍旅易守長等用之至是斟酌漢唐典
故其符用虎並一左一右左者留御前以侍臣親密者
掌之其右付隨路統軍司招討司長官主之闕則次官
主之若發兵三百人以上及徵兵召易本司長貳官從
尚書省奏請左第一符近侍局以囊封付主奏者尚書
備錄聖旨與符以函同封用尚書省印記之皆專帶牌

馳送至彼主符者視其封以右符勘合然後奉行若一
有參差者不敢呈用主者復用囊封貯左符上用職印
具發兵狀與符以本司印發即日還付使者送尚書省
以進及更其封以付內掌之人若復有事左符以次出
周而復始仍各注曆以付受日月若盜賊急促不容先
陳者雖三百人以上其掌兵官司亦許給付隨即言上
詔即施行之貞祐三年更定樞院用鹿符宣撫司用魚
符統軍司用虎符若發銀牌若省付部及點檢司者左
右司用匣封印驗封交受若發于他處並封題押以匣
貯之

百官印 天會六年始詔給諸司印其前所帶印記無

問有無新命悉上送官敢匿者國有常憲至正隆元年
以內外官印新舊名及階品大小不一有用遼宋舊印
及契丹字者遂定制命禮部更鑄三師三公親王尚書
令並金印方二寸重八十兩駝紐一字王印方一寸七
分半金鑲銀重四十兩鑲金三字諸郡王印方一寸六
分半金鑲銀重三十五兩鑲金三字國公無印一品印
方一寸六分半金鑲銀重三十五兩鑲金三字二品印
方一寸六分金鑲銀重二十六兩東宮三師宰執與郡
王同三品印方一寸五分半銅重二十四兩四品印方
一寸五分銅重二十四兩六品印一寸三分銅重十六
兩七品印一寸二分銅重十六兩八品印一寸一分半

銅重十四兩九品印一寸一分銅重十四兩九朱記方
一寸銅重十四兩天德二年行尚書省以其印小遂命
議尚書省印小一等改鑄大定二十四年二月行尚書
省議事臺并左右三部印以從幸上京 泰和元年八
月安國軍節度使高有鄰言本州所掌印三曰安國軍
節度使之印曰邢州觀察使印吏戶禮印用之曰邢州
之印兵刑工案用之以名實不正乞改鑄宰臣奏謂節
度使專行之事自當用節度使印觀察使亦如之其六
曹提點所軍兵民訟則當用本州印者爲定制上從之
八年閏四月勅殿前都點檢司依總管府以金木水火
土五號如本司差人則給之

券以鐵爲之狀如卷瓦刻字畫欄以金填之外以御寶爲合半留內府以賞殊功也

元

寶璽

元朝于踐祚之始必布告天下惟詔西番以粉書詔文于青羅而繡以白絨網以真珠至御寶處則用珊瑚遣使齎至彼國張于帝師所居處至元元年七月定用御寶制凡宣命一品二品用玉三品至五品用金其文曰皇帝行寶者即位時所鑄惟用之詔誥別鑄宣命金寶行之六年製玉璽大小十紐十三年孟祺以故宋金玉寶及牌印來上命太府監收之三十年御史中

永崔氏得王印以爲傳國璽獻之時木華黎曾孫碩德
已死而貧其妻出王璽一鬻之或以告或召秘書監
丞楊桓辨其文曰受命于天既壽永昌此歷代傳國璽
也遂獻之故太子妃弘吉剌氏徧示群臣丞相以下次
第上壽慶曰神寶之出實官車晏駕之後此乃天意屬
於皇太孫也乃遣右丞張九思齎授之

丘瓊山曰此印得之故相之家楊桓考証以爲秦璽按
璽在漢爲元后所擲角有微玷魏文帝刻其旁曰魏受
漢傳國之璽今此印非秦所製者明甚疑即宋元符所
得於咸陽民家者

按郝經傳國璽論曰上世帝王所以立政傳信考文議

禮則有瑞玉展並符節左契各爲一代法制別等差辨
上下列貴賤定尊卑以爲名器而不以爲傳故唐虞夏
殷周之受命莫不革故而易新其先代之寶世所共珍
而不忍毀之者如大王夷王天球河圖璋判白弓繡質
元龜青純等或以爲藏或以爲分或以爲寶而亦不以
爲傳故或在王朝或在侯國宗沈社債則轉而之他傳
受而守之莫敢少置者在夫道而已初自道傳而極極
傳而天天傳而地地傳而人與萬物聖王受命爲天地
人物主乃復以道爲統而相傳故堯傳舜舜傳禹禹傳
湯湯傳文武本於天命根於皇極原於心性仁義明於
夫婦父子君臣上下察於綱紀禮樂文物政事是以爲

二帝三王而道高萬世古今莫及未聞有後世所謂傳
國寶者及秦始皇并天下奮私智盡滅先世帝王之制
自謂德高三皇功過五帝乃兼帝王之號而爲皇帝璽
殺滅趙所得楚和氏璧詔丞相斯篆其文刻爲傳國璽
其文曰受命于天既壽永昌於是除謚法謂已爲始皇
帝其餘以世爲號傳之萬世乃二世而亡子嬰降而漢
得之漢之佐命始有意於三代陋秦而從周以爲是物
既亡楚又亡趙復亡秦乃滅國所得與斬白蛇劍並藏
武庫傳示無窮如夏后氏之璜封父之繁弱并爲一代
寶器別取藍田渾璞刻爲大漢受命之璽以示惟新可
也乃自比秦之子孫以爲傳國璽於是偷國之盜莫不

聃聃揶揄欲以爲已有館於周勃問於霍光奪於王莽
挈於王憲專於更始上於盆子復歸於光武至使肘後
之石誤張豐於死東漢之亡劫於董卓獲於孫堅拘於
袁術卒入曹丕之手魏傳之晉懷愍之難入於劉石復
歸於金陵天下之人遂以爲帝王之統不在於道而在
於璽以璽之得失爲天命之絕續或以之紀年或假之
建號區區數寸之王爲萬世亂階矣厥後晉傳之宋宋
傳之齊梁陳陳傳之隋隋傳之唐而五季更相爭奪以
得璽者爲正統宋靖康之亂爲金所有漢以來十有餘
代千有餘年竟不能復二帝三王之治所謂天命心性
仁義禮樂與夫綱紀法度治世之具皆不傳始則雜乎

王霸終則盡爲苟且其篡弑奪攘蹂躪血肉污穢皇極者不可勝言嗚呼傳者勿傳勿傳者而傳其治亂相反宜也彼嘗有是而亡其國吾今得之其誠爲吉祥哉昔湯伐桀於三驥俘厥寶玉誼伯仲伯以爲非而作典寶言帝王自有常寶不可以亡國之物爲寶也當新莽奪璽之日元后罵曰若自以金匱符命爲新皇帝當自更作璽何用此亡國不祥璽爲雖一時忿激之言最爲得理者也孰謂後世帝王無是二臣一婦人之見哉不明堯舜禹湯文武之道竟寶呂政亡國之器襲訛踵陋莫以爲非可爲嘆惋且其制名爲傳國謂以國傳之人與子孫也如堯傳舜舜傳禹可以謂之傳矣武王傳成王

成王傳康王可以謂之傳矣凡不以禮授受者皆不可
謂之傳征伐而得則謂之取篡弑而得則謂之奪攘竊
而得則謂之盜仍謂其璽爲傳國何哉或曰然則無璽
可乎曰信以傳信既以爲典矣可遂廢而不用乎一代
受命自可爲一代之璽更其文爲一代之文國亡則藏
之秦不傳漢漢不傳魏可也光武傳之明帝明帝傳之
章帝至於建安禪代之際更爲魏璽可也獨以秦璽爲
歷代傳國璽不可也近世金亡而獲秦璽以爲亡國不
祥之物委而置之不以爲寶一帝一璽不以爲傳雖曰
變古乃所以復古也故著論以推本云

文宗天曆二年三月奉皇帝寶於明宗行在所 時開奎

章閣作二璽一曰天曆之寶一曰奎章閣寶命虞集篆文

順帝作二小璽一曰明仁殿寶一曰洪禧命楊瑀篆文洪禧璞純白而龜紐黑色至正元年詔刻宣文至正二寶

印

一品衙門用三臺金印二品三品用兩臺銀印其餘大小衙門印雖大小不同皆用銅其印文皆用八思麻帝師所製蒙古字書惟宣命之寶用玉以玉筋篆宣勅皆用紙一品至五品爲宣色以白六品至九品爲勅色以赤

世祖中統四年給公主符印 至元四年封皇子忽哥赤

馬雲南王賜馳紐金鍍銀印十月賜駙馬不花銀印

五年封諸王習怯吉爲河南王賜馳鈕金印 六年賜

諸王與魯赤馳紐金鍍銀印 七年勅驛券無印者不

許來傳 九年二月詔札魯忽赤乃太祖開創之始所

置位百司上其賜銀印 十四年改安西王傳銅印爲

銀印 十九年九月勅各行省止用印一餘者拘之及

拘諸位下印 二十年降太醫院爲尚醫監收給銅印

二十一年封皇子爲鎮南王賜塗金銀印 二十二

年十一月賜皇子愛牙赤銀印 二十四年桑哥言北

安王相府無印而安西王相獨有印實非事例乞收之

諸王勝納合兒印文曰皇姪貴宗之寶寶非人臣所宜用因其分地改爲濟南王印爲宜皆從之 二十五年賜雲南王塗金駝紐印 二十七年封皇孫爲梁王賜金印 三十一年時成宗未改元以范文虎監浚通惠河給二品銀印

成宗大德三年封藥木忽而爲定遠王賜金印 八年封皇姪海山爲懷寧王賜金印 九年封孛羅爲鎮寧王賜金印 十年賜駙馬濮陽王金印

武宗至大二年九月諸王禿滿進所藏太宗王璽封禿滿爲陽翟王賜金印 是年鑄金印賜句容郡王

仁宗延祐元年陞司天監爲司天監秩正三品賜銀印

二年詔遣宣撫使問民疾苦黜陟官吏並給銀印五月
改給各道廉訪司銀印 四年陞蒙古國子監秩正三
品賜銀印

文宗天曆元年十一月給殿中侍御史及冀寧路印凡內
外百司印因兵而失者令中書如品秩鑄給之 至順
元年鑄黃金神仙符命印賜掌金真教道士苗道一
二年立官相都總管府秩正三品給銀印

順帝至元七年詔左右丞相平章樞密知院御史大夫得
賜玉押字印餘官不與

天台九成陶氏曰今蒙古色目人之爲官者多不能執
筆花押例以象牙或木刻而用之宰輔及近侍官至一

品者得旨則玉圖書押字非特賜不敢用然按周廣順二年平章李穀以病臂辭位詔令刻名印用擬此則又押字用印之始也

符契

世祖中統三年賜夔州行省楊大淵金符一銀簪十九賞麾下將士別給海青符二事有急速馳以上聞四年八月詔霍木海總管諸路驛佩金符至元四年以威州山後大街美麻等十一族來附賜以璽書金銀符八年勅軍官佩金銀符其民官工匠所佩者並拘入勿復給海青符用太祖皇帝御署十一年授河北道宣慰使佩虎符十四年命中外軍命官所佩金銀符以

色組繫于肩腋庶無褻瀆具爲令 十五年追江南工匠官虎符八月中書省臣言近有旨追諸路管民官所授金虎符其江南降臣宜仍所授從之閏十一月羅施鬼國西南番王並內附詔各爲其地安撫使佩虎符十二月都掌蠻夷及其屬內附詔以其長爲安撫使賜虎符餘授宣勅金銀符有差 是年詔虎符舊用畏吾字今易以國字 十六年勅臨洮鞏昌通安等十驛非有海青符不聽馳傳 是年中書省請復授宣慰司官虎符不允 十七年四川宣慰使請賜海青符詔以二符給之 十九年勅出使人還不卽以所給符上與有司不卽收者皆罪之十二月降拱衛司復正四品仍收其

虎符 二十年以海道運糧招討使朱清爲中萬戶賜以虎符張瑄子爲千戶賜金符 二十一年三月更定虎符 二十二年以楊兀魯爲征骨鬼招討使佩二珠虎符 二十三年給金齒國使臣圓符 時典瑞院都事某建言凡省官提調軍馬必佩虎符今太師伯顏難與他人同宜錫龍鳳牌以寵異之可遂製龍齒牌一面其三珠各函徑寸真珠一枚而飾以紅刺鴉忽寶石牌身脫鈹元德上輔功臣號字仍用白玉欵造 二十八年南丹州莫國麟入覲授國麟安撫使三珠虎符 二十九年二月立征行左右軍都元帥府都元帥并副上萬戶府達魯花赤萬戶并副鎮撫等官各佩虎符七月

阿里願自備船同張存從征爪哇軍往招占城詔授阿
里三珠虎符張存一珠虎符

成宗元貞二年詔奉使及軍官歿而子弟未襲職者其所
佩金銀符歸于官違者罪之 大德四年賜雲南王緬

國十五驛驛給圓符四驛券二十 五年三月收故軍

官金銀符十月湖廣行省臣言鎮守官有功當賞者乞
加散官或授金銀符從之 十一年武宗未勅行省平

章總督軍馬得佩虎符其左丞等所佩悉納十二月勅
諸王公主駙馬使臣給璽書驛券不許輒用圓符乘驛
武宗至大元年樞密院臣言諸王各用其印符乘驛使臣
旁午驛戶困乏宜準舊制量其馬數降以璽書奉事

是年中書省臣言臣等議虎符國之信器驛馬使臣所
需今以昇諸商人誠非所宜乞一槩追之制可 又中
書省臣言舊制金虎符及金銀符典瑞院掌之給則由
中書事已則復歸典瑞院今出入多不由中書結托近
侍奏請泛濫出而無歸臣等請覈之自後除官及奉使
應給者非由中書省勿給從之 四年四月昨宗已拘
收下番將校不與兵者虎符銀牌 是年又勅諸臣非
軍務急速者毋給金字圓牌

文宗天曆元年給淮東宣慰司銀字圓符 至順元年立
行樞密院討雲南賜給驛璽書十五銀字圓符五閏七
月封諸王卯澤爲末寧王授金印及給銀字圓符給驛

璽書 二年十二月以黃金符鑄文曰翊忠徇義廼節
同勲賜西城親軍副都指揮使欽察以旌其天曆初紅
橋戰功

順帝至元三年賜伯顏七寶玉書龍虎金符 十二年命
典瑞院給淮南行省銀字圓牌三面驛券五十道 十
三年詔皇太子位下立儀衛司設指揮二員給二珠金
牌副指揮二員給一珠金牌

鎮圭制以玉長一尺二寸有袞副之

成宗元貞元年二月賜天師張與棣宗師張留孫真人張
志僊等十三人王圭各一

皇明

皇帝服衮冕服用圭長一尺二寸 皮弁同

東宮服衮冕用圭長九寸五分 皮弁同

親王服衮冕用圭長九寸二分五厘皮皮弁同

世子服衮冕用圭長九寸 皮弁同

郡王圭同世子郡王以下俱不得用圭

上帝祭用蒼璧

地祇祭用黃琮

配祖祭用蒼璧

太社太稷祭用兩圭有邸

配位用璧同上 以下群祀俱不用

國朝符璽俱尚寶司官職掌本司掌寶璽符牌及六卿計

馬伯文武百官金銅牙木牌等凡寶璽符牌印章有事
請于 內既事未而藏之 御璽凡十四寶璽之大者
曰 奉天之寶爲唐宋傳寶惟祀天地用之凡 詔若
赦則用 皇帝之寶 立封及 賜勞則用行寶
詔親王大臣用兵則用信寶 冊上尊號則用尊親之
寶 勅諭親王則用親親之寶 祀山川鬼神則用
天子之寶 封外及 賜勞則用 天子行寶 詔
外夷調兵則用 天子信寶曰 誥命之寶 賜勅則
用 勅命之寶以進 御座則用 御前之寶 獎大臣
工則用 廣運之寶 勅諭來朝官員則用 敬天勤
民之寶再考扈守侍衛令牌之號六曰甲曰木曰火曰

土曰金曰木以警夜巡金牌之號五曰仁曰義曰禮曰智曰信以嚴守衛半字銅符之號四曰南曰東曰西曰北巡者左半守者右半合契而從事焉銅牌之號一曰勇以稽士卒牙牌之號五曰勲曰親曰文曰武曰樂以察朝參祭牌之號三曰陪曰供曰執以謹祀事雙魚銅牌之號二曰嚴以肅直衛曰善以繫祀壇符驗之號五曰馬曰水曰達曰通曰信以給傳郵通制命

建文君建文三年春正月辛酉朔凝命神寶成寶方一尺六寸九分 帝親定其文曰天命明德表正萬方精一執中宇宙永昌先是 帝在儲位嘗夢神人致上帝命授以重寶元年使者還西方得青玉於雪山方踰二尺

質理溫栗 二年春正月 帝郊祀宿齋宮夕夢若有
覩乃驚寤 命玉人琢爲大璽冬十二月工成名凝命
神寶至是以告 天地 祖宗爲文宣承遐邇百官稱
賀大宴於 奉天門頒賞四夷朝使

皇后金冊金寶 皇貴妃而下有冊而無寶獨宣德元
年以 貴妃孫氏有容德請於 皇太后製金寶 賜
之且 命太師英國公張輔爲正使少師吏部尚書蹇
義爲副使二公元臣也未幾而 貴妃有子自是 貴
妃授寶遂爲故事

各衙門印信俱禮部鑄印局專管鑄造印信俱有定式
其後又有鑄換辨驗等例凡開設各處衙門合用印信

割付鑄印局官依式鑄造給降其有敗鑄銷毀等項悉領之

印信事例

凡內外各衙門印信年久篆文平乏不堪用使具奏鑄換候領新印然後以舊印繳納 凡在外文移到京悉送鑄印局辨其印信真偽

太祖洪武二十三年已改鑄監察御史印先是既分察院爲河南等十二道每道鑄印二其文皆曰繩愆糾繆守院御史掌其一每道置御史或五人或四三人以次差出分巡其一藏於內府有事則受印以出復命則納之至是左副都御史袁泰言各道印篆相類乃命改其制

守院印十二如浙江道則曰浙江道監察御史印餘道並同其巡按印則曰巡按浙江道監察御史印餘亦如之惟浙江江西直隸十府州事繁劇各道置印十餘道皆五

孝宗弘治十三年奏准兩京兵部并在外巡撫巡按按察司官點視各衙所印信如有軍職將印當錢使用者叅問帶俸差操十四年議准在外大小衙門印記年久印面平乏篆文模糊者方許申知上司驗實具奏鑄換新印其舊印送上司付公差人員繳部仍發鑄印局看驗若印記新降未久捏奏煩擾雖已鑄換仍將申奏官吏治罪

世宗嘉靖八年題准鑄印局官儒今後應造印記闕防專以洪武正韻爲主正韻不載方取許氏說文二書無從查考者方將先儒著述六書等書參考十六年題准鑄印局增食糧儒士二名連額設共四名

印信制度

內閣銀印直紐方一寸七分厚六分玉箸篆文

征西鎮朔平羌平蠻等將軍銀印虎紐方三寸三分厚九分柳葉篆文

宗人府五軍都督府俱正一品銀印三臺方三寸四分厚一寸

六部都察院并在外各都司俱正二品銀印二臺方三

寸三分厚二分

行聖張真人中都留守司俱正二品各有政司從二品銀印二臺方三寸一分厚七分景泰三年賜衍聖公三臺銀印

順應二府尹正三品銀印方二寸九分厚六分五釐

通政司大理寺太常寺詹事府及京衛并在外各按察司各衛俱正三品苑馬寺宣慰司俱從三品銅印方二寸七分厚六分

太僕寺光祿寺并在外各鹽運司俱從三品銅印方二寸六分厚五分五釐

鴻臚寺并在外各府俱正四品國子監并在外宣撫使

俱從四品銅印方二寸五分厚五分

翰林院左右春坊尚寶司欽天監太醫院上林院監六部各司宗人府經歷司并在外各王府長司各衛千戶所俱正五品司經局五府經歷司并在外招討司按撫司俱從五品銅印方二寸四分厚四分五釐在外各州從五品銅印方二寸三分厚四分

都察院經歷司大理寺左右寺五城兵馬司大興宛平上元江寧各京縣及僧錄司道錄司并在外中都留守司經歷司斷事司各都司經歷司斷事司各衛百戶所長官司及各王府審理所俱正六品光祿寺大官等署并在外各布政司經歷司理問所俱從六品銅印方

二寸二分厚三分五釐

吏科等六科行人司通政司經歷司工部營繕所太常寺典簿廳上林苑監蕃育等署并在外各按察司經歷司各縣俱正七品中書舍人順天應天府經歷司京衛經歷司光祿寺典簿廳太僕寺詹事府各主簿廳并在外各衛經歷司鹽運司經歷司苑馬寺主簿廳宣慰司經歷司俱從七品銅印方二寸一分厚三分

戶部刑部都察院各照磨所兵部典牧所國子監繩愆廳博士廳典簿廳鴻臚寺欽天監各主簿廳并在外各布政司照磨所各府經歷司及各王府紀善典寶典膳奉祀良醫工正各所宣撫司經歷司俱正八從八品

銅印方二寸厚二分五釐

刑部都察院各司獄司順天應天二府照磨所司獄司
鴻臚寺司儀署司賓署國子監典籍廳上林苑監典簿
廳內府寶鈔等各庫御馬倉草倉會同館織染所文
思院皮作局顏料局鞍轡局寶源局軍器局都稅等司
教坊司并在外留守司司獄司各都司司獄司各按察
司照磨所司獄司各府照磨所司獄司及各王府長
史司典簿廳教授典儀所各府衛儒學稅課司陰陽學
醫學僧綱司道紀司及各巡檢司俱正九從九品銅印
方一寸九分厚二分二釐

各州縣儒學倉庫驛遞關壩批驗所抽分竹木局河泊

所織染局稅課局陰陽醫學僧道司俱未入流銅條記闊一寸三分長二寸五分厚二分一釐

已上俱直紐九疊篆文

監察御史銅印直紐有眼方一寸五分厚三分八疊篆文

總制總督巡撫等項并鎮守公差等官銅關防直紐闊一寸九分五釐長二寸九分厚三分九疊篆文

今上萬曆二年鑄給監督徐州淮安臨清德州天津衛關防 又給昌平管糧通判關防今兼理居庸關商稅

又給監收肅州倉臨洮府帶銜通判固原州倉平涼府帶銜通判靖虜甘肅涼州莊浪西寧洮州六倉鞏昌府

帶銜通判監收永豐倉同知各關防 是年又題准鑄
驗糧關防一顆付委官收掌凡遇解到 內府錢糧驗
中會同科道覆驗鈐記關防以防抵換 四年添鑄南
京戶部監督銀庫關防 二十六年戶部奏議處海稅
事宜給閩海商稅府佐關防

賜印記

高皇帝賜 懿文太子白玉印方一寸二分曰大本堂記
賜 中宮皇后白玉印方亦如之曰厚載之記 文
皇帝 賜 仁廟玉押曰人主中正 仁廟即位時
宣廟方爲 皇太孫復舉以授之 命印識章奏 本
朝惟 仁宣二廟優禮大臣 賜銀圖書以二

亦有嗣行之者

仁宗朝蹇義夏元吉楊士奇黃淮楊榮金幼孜俱被賜
其文曰繩愆糾繆而義又有蹇忠貞士奇有楊貞一之
印

宣宗 賜義曰忠厚寬弘原吉曰含弘貞靜士奇曰清方
貞一榮曰方直剛正胡濙曰清和恭靖又文恭世家吳
中曰和敏詳達 賜太監金英范弘各銀記其文不傳
又 賜王御周瑾銀記四曰忠肝義膽曰金貂貴客曰
忠誠自 曰心跡雙清

景皇帝 賜少傅胡濙曰忠貞惟篤少保王文曰忠誠匪
懈衍聖公孔弘緒曰謹禮崇德是時王少傅直陳循高

敷于謙三少保當亦有之特以景廟賜不敢登之志傳耳

憲宗 賜覃司禮昌牙記二曰忠誠不怠曰謙亨忠敬銀記一曰才華明敏不記一曰補袞宣化又特賜方士李孜省銀圖書二曰妙悟通玄曰忠貞和直得密封言事又鄧常恩圖書一曰橐籥陰陽蕭崇一圖書二曰至真玄妙曰丹霞歲月

世宗朝與 賜者楊清張孚敬桂萼李時賞宏夏言顧鼎臣翟鑿方獻夫嚴嵩郭勛仇鸞楊曰者德忠正又繩愆糾違張曰忠良貞一又繩愆弼違又別記末嘉張茂恭桂曰忠誠靜慎又繩愆匡違李曰忠敏文貞方曰忠

誠直諒費曰舊輔元臣夏曰學博才優顧曰經緯首選
翟曰清謹學士又繩愆輔德嚴曰忠勤敏達勛未攷仇
曰翔卿又曰朕所重惟卿一人又 賜真人邵元節白
玉印文曰闡教護國烏王印文曰太和真人陶仲文
白王印文曰凌虛子烏王印文曰林隱銀記曰秉一保
國又 賜張司禮佐銀記四曰集謀補德曰端忠誠慎
曰輔忠曰勵忠麥司禮福銀記一曰恭勤端慎其他未
能悉數蓋中貴人得之不難若大臣則爲異典耳

今上萬曆以少師張居正乞歸葬範銀爲圖書以 賜之
俾得馳傳密封言事其文曰帝賚忠良

國朝文武臣領 勅行事者俱 給關防以銅爲之其

模制大小雖相臣行邊與部屬無異獨正德間太監張永征安化王及再督三關用金鑄見楊文襄一清所撰墓志文襄與永同事所紀當不謬嘉靖間大學士顧公鼎臣居守用牙刻關防 賜之皆 特恩也

續文獻通考卷之一百二十八

皇明進士雲間王圻纂輯

王禮考 乘輿車旗鹵簿

遼金

遼

遼有大輿是爲國輿

言國輿者別于漢也

其制不可考

按遼制輿以人肩之天子

用講給臂飾

又有漢輿自太宗會同元年晉使馮道劉煦等

備車輅法物上皇帝皇太后尊號冊禮自此天子車服

昉見於遼 腰輿前後長竿各二金銀螭頭緋繡鳳欄

上施錦褥別設小床奉輿十六人 小輿赤質青頂曲

柄緋繡絡帶制如鳳輦而小上有御座奉輿二十四人

右輿之制

王輅祀天地享宗廟朝賀納后用之青質玉飾黃屋左
纛十二鑾在衡二鈴在軾龍輅左建旂十二旂皆畫升
龍長曳地駕蒼龍金裝鏤錫盤纓十二就 金輅享射
祀還飲至用之赤質金飾餘如玉輅色從其質駕赤騮
象輅行道用之黃質象飾餘如金輅駕黃騮 革輅
巡狩武事用之白質革輅駕白翰 木輅田獵用之黑
質漆飾駕黑騮

右輅之制

耕根車耕籍用之青質蓋三重餘如玉輅 車一名
追賢車臨幸用之金飾重輿曲壁八轡在衡紫油纁朱
裏纁朱絲絡網駕赤騮朱盤纓 四望車一名明遠車

拜陵臨郊用之金飾青油纁朱裏通轆駕牛餘同安車
涼車省方田獵用之赤質金塗銀裝五彩龍鳳織藤
油壁緋條蓮座駕以素駝

右車之制制小于輅小事乘之

大鳳輦赤質頂有金鳳壁畫雲氣金翅所有軾下有构
欄絡帶皆繡雲鳳銀梯主輦八十人 大芳輦 仙游

輦

二輦制不可考

方亭輦黑質幕屋緋欄皆繡雲鳳朱綠夾

窓花板紅網兩簾四竿銀飾梯主輦百二十人 大王

輦

小玉輦

二輦制不可考

逍遙輦常用之樓屋赤質金塗

銀裝紅條輦官十二人夏春緋衫秋冬素錦服 步輦

聖宗統和三年駐蹕土河乘步輦聽政 羊車古輦車

赤質兩壁龜文鳳翅緋幘絡帶門簾皆繡瑞羊畫輪駕以牛隋易果下馬童子十八人服繡瑞羊輓之

椅皇

太后儀皇帝乘椅自便殿舉至西便門

右輦之制

椅雖非輦然用人舉是亦輦之類故附之

遼故俗便于鞍馬隨水草遷徙則有毳車任載有大車婦人乘馬亦有小車富貴者加之華飾禁制疎闊貴于適用惟帝后加隆焉

儀仗 步行擎執二千四百一十二人坐馬擎執二百七十五人坐馬樂人二百七十三人步行教坊人七十一人御馬牽擺官五十二人御馬二十六匹官僚馬牽擺官六十六人坐馬掛甲人五百九十八人步行掛甲

人百六十人金甲二人神輿十二人長壽仙一人諸職
官等三百五人內侍一人引哨押衙二人赤縣令一人
府牧一人府吏二人少尹一人司錄一人工曹一人太
常少卿一人太常丞一人太常博士一人司徒一人太
僕卿一人鴻臚卿一人大理卿一人御史大夫一人侍
御史二人殿中侍御史二人監察御史一人兵部尚書
一人兵部侍郎一人兵部員外郎一人符寶郎一人左
右諸衛將軍三十五人左右諸折衝二十一人左右諸
果毅二十八人尚乘奉御二人排仗承直二人左右夾
騎二人都頭六人主師一十四人教坊司差押纛二人
左右金吾四人虞候伙飛一十六人鼓吹令一人漏刻

生一人押當官一人司天監一人令史一人司辰一人
統軍六人千牛備身二人左右親勲二人左右郎將四
人左右給遺二人左右補闕二人起居舍人二人諫議
大夫二人給事中書舍人二人左右散騎常侍二人門
下侍郎二人中書侍郎二人鳴鞭二人內侍內差侍中
一人中書令一人監門校尉二人排列官二人武衛隊
正一人隨駕諸司供奉官三十人三班供奉官六十人
通事舍人四人御史中丞二人乘黃丞二人都尉一人
步行太僕令一人職官乘馬三百匹進馬四匹駕車馬
二十八匹人之數凡四千二百三十九馬之數凡千
五百二十

國仗 自大賀氏摩魯受唐鼓燾之賜是爲國仗有十二神燾十二旗十二鼓曲柄華蓋直柄華蓋其制甚簡渤海仗 天顯四年太宗幸遼陽府人呈王備乘輿羽衛以迎軋有五年聖宗東巡東京留守具儀衛以迎此故渤海儀衛也其數不可考

金

金初得遼之儀物旣而克宋于是乎有車輅之制熙宗幸燕始用法駕迨至世宗制作乃定班班乎古矣

世宗大定十一年將有事于南郊命太常寺檢宋南郊禮鹵簿當用玉輅金輅象輅革輅木輅耕耜車明遠車指南車記里鼓車崇德車皮軒車進賢車黃鉞車白鷺車

鸞旗車豹尾車輅車羊車各一革車五屬車十二除見
有車輅外關象木輅耕根明遠皮軒進賢白鷺羊車大
輦各一革車三屬車四按五禮新儀玉輅以赭金輅以
緋象輅以銀褐革輅以黃木輅以皂蓋其物有合隨輅
之色者有當用別色者如玉輅用青絲繡雲龍絡帶青
羅繡寶相花帶青畫轅輪青氍牛尾此隨輅之色者也
若象木革輅則當用緋用銀褐用黃及皂若至尊乘御
步武所及非若餘物但爲美觀其踏床倚背踏道之褥
皆用紅錦坐褥及行馬褥透壁輦簾三用銀褐黃青羅
錦三色又大輦宋陶穀創意爲之至祥符中以其太重
減七百餘斤可見當時亦無定制各以意從長斟酌造

之其制金玉輅缺可見者象輅革輅木輅耕根皮軒進
賢明遠白鷺羊車革車大輦凡十有一

象輅黃質金塗銅裝以象飾諸末輪衣以銀褐建大赤
餘同玉輅 革輅黃質輓之以革金塗銅裝輪衣以黃
建大白餘同玉輅 木輅黑質漆之輪衣以皂建大麾
餘同玉輅 耕根車青質蓋三重制如玉輅而無玉飾
皮軒車赤質上有漆柱貫五輪相重畫虎紋一轅

進賢車赤質如革車緋輪衣絡帶門簾並鳳上設朱漆
床香案紫綾衣一轅 明遠車制如屋銳頂重簷勾欄
頂上有金四角垂鐸上層四面垂簾下層周以花板三
轅 白鷺車赤質周施花板上有漆柱柱杪刻爲鷺鷥

銜鵝毛簞紅綾帶柱貫五輪相重輪衣皂頂緋裙緋絡
帶並繡飛鷺一轅 羊車赤質兩壁油畫龜紋金鳳翅
幘衣結帶並繡瑞羊二轅

大輦赤質正方油畫金塗銀葉龍鳳裝其上四面施行
龍雲朵火珠方鑑銀絲囊網珠翠結雲龍鈿窠霞于四
角龍頭啣香囊頂輪施耀葉中有銀蓮花坐龍紅綾裏
碧牙壓帖內設員鑑香囊銀輪勾欄臺坐紫絲條網幘
錯中施黃櫨上置御座曲几香爐錦結綬几衣輪衣結
帶並緋繡雲龍寶相花金綫壓長竿四飾以金塗銀龍
頭畫梯托义行馬七寶輦制如大輦飾以玉裙網七寶
滴子用真珠宋欽宗爲上皇製海陵自汴取而用之

行仗則有法駕大駕黃麾仗凡行幸及郊廟祀享則用之其非大禮遠出則有常行儀衛宮中導從大抵模倣宋制錯綜增損而用之也

熙宗天眷二年幸燕始備法駕凡用士卒萬四千五十六人 法駕人數 攝官六百九十九人將軍大將軍四十三人折衝果毅一百二十六人校尉五十六人郎將三十四人帥兵官二百四十六人統軍六人都頭六人千牛一人旅師二人部轄指揮使二人押纛二人押衛四人四色官四人押旗二人引駕官四人進馬四人押仗通直二人押仗大將二人碧欄一十六人長史二人鼓吹令二人鼓吹丞二人典事五人太史令一人太史

正一人司丞一人府牧一人刻漏生四人縣令一人御史大夫一人僚佐一十人進輅職掌二人夾輅將軍二人陪輅將軍二人教馬官二人四省局官八人導駕官四十八人抱駕頭官一人執扇簷一人尚輦奉御二人殿中少監二人供奉職官二人令史四人書令史四人押仗二人殿中侍御史二十四人諸班直隊二千九百四十五人鈞容直三百六十六人人員七長執旗一百三十六人引駕六十二人人員二長駕頭天武官十二人執從物茶酒班一十一人御龍直仗劍六人天武把行門八人殿前班擊鞭一十人御龍直四十人人員二長骨乃直一百三十四人部押二人殿前班行門三十五人

捧日馬隊七百人奉宸步隊七百人天武骨朵大劍三

百一十人

人員一十
長行三百

東第四班三十一人

人員一十
長行三十

扇

隻天武二十人捧日隊從領人員十七人簇輦茶酒班

三十一人

人員一十
長行三十

鈞容直三十一人

人員一十
長行三十

招前

班三十三人

人員一十
長行三十

天武約欄三百一十人

人員一十
長行三十

三車輅下駕士六百三十八人玉輅下一百四十人

路馬四駕士一百
二十八校輅八

金輅下六十四人

控馬踏路四
駕士六十

象輅

下駕士四十人革輅木輅耕根車駕士同上革車二共

五十人指南記里車各三十人輅車鸞旗皮軒車各十

八人黃鉞豹尾車各一十五人屬車八共八十人輦

輿下六百八十五人小輿一長行二十四人逍遙一共

三十五人什將節級九平輦下四十二人什將節級九

二十腰輿共十九人人員一什將虞候大輦下三百七

十一人掌輦人員四什將十二長芳庭輦一長行六十

人御馬三十二共百三十四人控馬天武官六十四換

人押馬六人騎御馬直人象二十三人擊執人士共

八十七百七十一人鼓吹樂工九百九十四人馬

六千七十八匹

海陵天德二年祀廟用黃麾仗四千人世宗即位凡行幸

祀享並用三千人間亦不滿其數大定十一年前祀南

郊朝享太廟及至郊壇用大駕七千人此其大較也

五年海陵遷都于燕用黃麾仗一萬八百二十三人官

在騎三千九百六十九分八節 第一節中道象二十

二人節級二人銅鑲七寶鍍石銀鈎各一鉄鈎二小旗

京東 第一引七十二人清道一武弁緋雲鵲袍袴 懣弩

一赤平巾續緋褂 認馬二控四人赤平巾續緋褂寶相

副二 輶車一赤馬二駕士十八人武弁緋綳維大油衫

包 縣令十員朝衣坐 僚佐四員並朝 控馬八人錦綳

紫衫大 紫方傘一黃抹額寶相花 朱團扇曲蓋各一抹

額寶相花 青衣二青平巾青衫袴 車輻捧二赤平巾

帶赤 告止幡二執者六人緋抹額寶相花 傳教幡一信

幡一各三人並黃抹額寶相花 小戟十六服同 第二引

二百六十四人清道二懣弩二誕馬四控八人服並 捆

鼓一金鉦一平巾幘緋縹衫大鼓六黃雷花衫袴節一

幢一麾一夾稍二角四儀刀十並平巾幘緋縹寶相花

革車一赤馬四駕士二十五人武弁解多大口袴府牧一

員朝服坐車僚佐四員控馬八人如前鑼鼓一簫二笳二笛

一篳篥一並平幘緋寶相花大橫吹一緋苜紋袍袴青衣

四車輻輳四紫方傘一朱團扇四曲蓋一告止幡二六

人傳教幡二六人小戟四十服並刀盾三十六額寶相

花衫銀華帶袴弓矢三十六錦帽青寶相花稍三十六錦帽紫

袍革朱雀旗隊三十四人折衝都尉三人平巾幘紫帶大

口漆錦騰蛇爆稍二平巾幘緋縹寶相花朱雀旗一五人緋

額寶花衫革帶大口袴弩六弓矢六稍十二並平巾緋

橫刀引夾人加弓矢

橫刀革帶袴龍旗隊七十一人大將軍一人朝服引旂四人黃抹

額寶相花衫袴旗十二風伯旗一兩師旗一雷公旗一電

母旗一北斗旗一五星旗一左右攝提旗一執夾共六

十人皆五色寶相花衫抹額革帶袴橫刀副竿二錦帽黃寶

相花衫護旗四人額黃抹太僕三車八十一人指南車

革帶袴武弁緋絕繡孔雀駕士三十人大袖銀褐袴帶記里鼓車駕士三十人

鮮多大袖鸞旗車駕士十八人瑞鷹大袖駕車赤馬十二執黑杖

者三人牙門旗隊二十八人分右白澤旗二執夾各五

人綠具冠人馬甲錦臂金吾牙門旗第一門牙門旗四

執夾十二人青寶相花抹額衫革帶大監門校尉六人

長脚幘頭緋抹額獅子兩儒銀前部馬隊第一隊七十

人折衝果毅都尉二人錦帽緋臂鞞袴角宿亢宿斗

宿牛宿旗四旗各五人並五色寶相花衫抹額弩六弓

矢十四並錦帽青寶相稍二十八緋色衫第二隊七十

人折衝果毅都尉二人白澤氏宿女宿房宿虛宿旗四

旗各五人弩六弓矢十四稍二十八服執第三隊七十

人折衝果毅都尉二人心宿危宿尾宿室宿旗四旗各

五人弩六弓矢十四稍二十八服執第二節金吾引

駕騎二十人折衝都尉二人平巾幘緋臂鞞袴弩六弓

矢六稍六並平巾幘緋臂鞞袴前部鼓吹五百四十七人

鼓吹令二人長脚幘頭綠公服府史四人長脚幘頭綠

絹半臂部轄指揮使一人平巾幘紫寶相花主帥四十

烏靴

八人分五項平巾頓緋鸞衫草帶袴執儀刀桐鼓金鉦各十二平巾頓緋鸞衫鉦得

抹帶錦騰蛇大鼓長鳴各百二十黃雲花衫抹額抹帶鈺鼓十二緋茸紋衫

抹額歌二十四拱辰管二十四簫二十四笳二十四如服

抹帶鉦鼓無騰蛇大橫吹百二十號鼓如馬部第四隊六十人分左

折衝都尉二人服緋衫箕宿壁宿旗各一旗五人弩六弓

矢十四稍二十八如服執並前隊第五隊六十人折衝都尉二

人奎宿井宿旗各一旗五人弩六弓矢十四稍二十八

服執並前隊第六隊六十人折衝都尉二人緋瑞鸞袍婁宿鬼宿

旗各一旗五人弩六弓矢十四稍二十八如服執並前隊第七

隊六十人折衝都尉二人胃宿柳宿旗各一旗五人弩

六弓矢十四稍二十八如服執並前隊第八隊六十人折衝都

尉二人昂宿星宿旗各一旗五人弩六弓矢十四稍二

十八

服執並如前隊

第九隊六十人折衝都尉二人

赤豹袍

畢宿

張宿旗各一旗五人弩六弓矢十四稍二十八

服執並如前隊

第十隊七十人折衝都尉二人

瑞馬袍

觜宿翼宿參宿軫

宿旗各一旗五人弩六弓矢十四稍二十人

服執並如前隊

步

甲騎第一第二兩隊百一十人領軍衛將軍二人

平巾紫白

澤袍袴帶錦騰

擗稍四

平巾幘緋寶相花袍大口袴

折衝都尉四人

服如將軍鵝鷄旗二輓旗二各五人朱牟甲弓矢四十朱牟

甲刀盾四十

亮牟甲身披錦臂鞬行履靴後勒甲革帶

第三節中道前部

鼓吹第二百五百二十三人

侍御在外

節鼓二箇二十四簫二

十四篳篥二十四笳二十四桃皮篳篥二十四

黑平巾幘緋對

錦衫銀袴勒主帥二十六人亦四項革帶靴襪振鼓金

鉦各十二黑平巾幘緋綳對襟衫小鼓百二十中鳴

百二十黃雷花袍袴羽葆鼓十二青直紋袍歌二十四

拱辰管二十四簫二十四笳二十四眼如侍御史二員

黃麾幡一三人武弁緋寶相花衫步甲第三

隊五十二人折衝果毅都尉二人紫端王馬旗二旗五

人青矛甲弓矢四十服執並第四隊五十二人折衝果

毅都尉二人瑞鷹三角獸旗二旗五人青矛甲刀盾四

十第五隊五十二人折衝果毅都尉二人白澤黃鹿旗

二旗五人黑牟甲弓矢四十第六隊五十二人折衝果

毅都尉二人服飛麟旗二旗五人黑牟甲刀盾四十第

七隊五十二人折衝果毅都尉二人赤豹袍 駃騠旗二旗

五人銀褐矛甲弓矢四十第八隊五十二人折衝果毅

都尉二人服 鸞旗二旗五人銀褐牟甲刀盾四十第九

隊五十二人折衝果毅都尉二人服 麟旗二旗五人黃

牟甲弓矢四十第十隊五十二人馴象旗二旗五人黃

牟甲刀盾四十服執如前 金吾牙門旗第二門牙門旗四執

夾十二人監門校尉六人服執同第一門 左右屯衛將軍二人

平巾黃紫飛麟袍大口袴 絳引幡二十執者六十人武

馬勒紫帶橫刀弓矢 第四節中道六軍儀二百五十二

人統軍六人花脚紫綵抹額孔雀袍 都頭六人長

雙頭紫寶相花 神武軍旗二羽林軍旗二龍武軍旗二

大細草帶橫刀

旗各五人

執人錦綢引

排欄旗四十八吏兵旗四方士

旗四赤豹旗四黃熊旗四龍君旗四虎君旗四掩尾天

馬旗六旗一人

錦綢五色寶相花

白鼈鎗九十

交角膜

寶相花形珠

柯舒二十四鎗杖十八

並貼金明五色寶相花形華帶引

駕龍墀隊六十五人排仗通直二人排仗大將二人

脚襪頭紫公服紅鞋帶絲縷烏皮靴

天王旗四十二辰旗各一旗一人

錦綢五色寶相花

天下太平旗一五方龍旗五旗五人

錦綢引夾人貼金

君王萬歲旗一月月旗各一旗五

人執人錦綢引夾人貼御馬六十六人馬十六匹匹四

人

控馬三十二人貼金帽紫寶相花形華帶

廣武節級

一人

錦綢執已見前例

管押騎御馬直人員一人

皂帽紅錦

東中道隊三十二人大將軍一人朝衣日月合璧旗一

首紋旗二五星連珠旗一祥雲旗二旗各五人服執見

長壽幢一平巾緋帶寶相花金吾細仗一百人青龍旗

一白虎旗一五嶽神旗五五方神旗五旗各四人並四

相花衫青黃銀裙皂抹額抹帶橫刀引夾如前押旗二人長卿幘頭紫公服五

方龍旗各三五方鳳旗各三旗一人並五色衫抹額革帶橫刀四瀆

旗四旗五人並皂衣相花衫抹額革帶橫刀引夾如前黃麾前第一部二百

七十二人殿中侍御史三人朝服左右屯衛大將軍二人

折衝都尉二人平巾綾紫飛鱗袍革帶大主帥二十人

平巾綾緋寶相花龍頭竿一百揭鼓六儀鎗斧二十小

戟二十弓矢四十朱滕絡刀盾二十稍二十綠滕絡刀

盾二十

並青花衫抹帶行膝鞋履

第二部二百七十二人殿中侍

御史二人左右領軍衛大將軍二人折衝都尉二人

紫緹

白澤

主帥二十八龍頭竿一百揭鼓六儀鎗斧二十小

戟二十弓矢四十朱膝絡刀盾二十稍二十綠膝絡刀

盾二十

服並

第三部二百七十二人殿中侍御史二人

左右屯衛大將軍二人折衝都尉二人

紫瑞

主帥二十

人龍頭竿一百揭鼓六儀鎗斧二十小戟二十弓矢四

十朱膝絡刀盾二十稍二十綠膝絡刀盾二十

服並黃

部

第五節中道八寶三百人舉士九十六人

平巾

花衫大口袴籠燭三十二

大佩銀腰帶

行馬十六

碧欄官十六人

弓脚幘頭碧欄衫銅束帶

符寶郎八人

長脚幘頭綠公服 援寶三十人 人員二人 武弁紫寶相

角帶愧簡步導 黑漆杖 長行三十人 緋寶相花衫 香案八舉士三十二人

服同燭 案後金吾仗六方傘二大雉扇四 服並同金吾

龍行馬 仗十二人 四色官四人 長脚幘頭綠公服大口袴金銅

全綬 刀押仗二人 長脚幘頭紫公服 金甲二人 被膊兜牟

儀刀 進馬四人 平巾紫犀牛襴檔 金吾引駕四十九人

甲條 千牛將軍一人 千牛十人 郎將二人 並緋綉抹額紫犀

袴橫刀弓矢珂馬將軍平巾幘無 長史二人 長脚幘頭

抹額千牛郎將花脚幘頭餘同 烏皮靴 引駕官四人 長脚幘頭紫公 紅中雉扇十二大

傘二小雉扇四華蓋二香燈一座八人火燎一二人 武

緋寶相花大袖 腰輿人員什將三人 皂帽紅錦襖塗金

華帶大口袴 銀束帶人員執杖

長行十六人

奉時漢頭紅錦四排列官二人長時驛

韉帶鳥皮靴

小輿二十四人

白鞵銀束帶

逍遙輦人員什將

共十六人

皂帽塗金銀束帶紅錦方勝絲鵲人員執黑漆杖

長行二十六人

紅

白獅錦襖金銀帶冠同

平輦人員什將十六人

皂帽紅錦襖金銀帶輿輦

共一百三人諸班開道旗隊一百七十七人開道旗一

鉄甲鐵鞍馬甲紅背

皂纛旗十二旗一人

黑漆鉄笠皂

引駕

六十二人

皂帽紅錦襖紅背子輔龍直一百二人

紅背子骨朵鉄人馬甲

黃麾前第四部二百七十二人殿中侍御

史二人左右武衛大將軍二人折衝都尉二人主帥二

十人龍頭竿一百揭鼓六儀鋹斧二十小戟二十弓矢

四十朱膝絡刀盾二十稍二十綠膝絡刀盾二十

黃寶相花

衫餘並如前第一部
第五部二百七十二人
除左右驍衛大將軍與都尉服赤豹袍龍

竿以下服銀褐花衫餘
第六部二百七十二人
除將軍各色並如前第二部都尉服

瑞馬袍龍竿以下服銀褐花
第六節中道門旗隊一
衫餘各色並如前第三部

百二十三人騎執門旗四十五方色龍旗十步執紅龍

門旗六十麋旗一簇輦紅龍旗八日月旗二麟旗一鳳

旗一旗皆一人
並鉄甲兜牟紅錦襖紅背子馬執
金輅

皇太后乘之公主侍
駕士九十四人
赤平巾續緋綵對

上或左玉轂之前
擊鞭內侍十人
皂帽紅錦襖御床
抱駕頭

內侍一人
長脚雙頭紫羅公
控馬二人
錦朝錦絡縫寬

廣武官十二人
銀京帶換
茶酒班執從物十一人
水碓

二香毬二唾盂一斯鑼一手巾一御椅三人踏床一

共百三十人拱聖直人員二人長行

三十八人真珠頭巾紅綳帶導駕官四十二人朝從人

八十四錦服紫絡絛仗劔六人皂領紅綳國旗紅錦

廣武把行門八人殿班把行門三十五人服道如玉輅

帝后同乘駕士百二十八人如金輅千牛將軍一人

太子陪坐具裝執長左右點檢二人夾輅大將軍二人陪輅

將軍二人並朝進輅職掌二人長脚幘頭紫寬教馬官

二人長脚幘頭緋抹額紫寶部押二人皂袍鈇甲紅挾

輅八人控踏路馬四人馬二匹銀面包尾共一百五十

三人龍翔馬隊二十隊六百二十人分左右每隊人員

三人皂幘鈇甲紅錦襖紅背殿士二十八人鈇甲紅錦

器械 東第五班金鎗六隊每隊旗三人鎗二十五人內

十八人佩 共一百六十八人 並最鉄兜 銀鎗六隊每隊旗

三人鎗二十五人 佩弓矢 共一百六十人 並最鉄兜 東

第四班二隊每隊旗三人弩二十五人共五十六人 並鉄

半神勇步隊七百人分左右作四重每重人員十人 紅皂

圓換弓矢 長行六百六十人 並鉄兜 內拱聖骨朵直一

百六十四人拱聖鎗直一百六十四人 內執子旗者拱

聖弓箭直一百六十六人 執骨朵 拱聖弩直一百六

十六人 拱弩 廣武骨朵大劍三百一十人指揮使五人

紅錦襖 都頭五人 紅襖紅箭子並皂 長行三百人 內一

簇四金鵬錦帽紫孔雀寬襖白襖銀束帶骨朵二百人 金鍍銀花朱紅笠綵對屬寬襖銀束帶執銀花大旗

駕官四十二員從者八十四人服已青龍白虎隊五十

二人果毅都尉二人青龍旗一白虎旗一旗五人弩六

人弓矢十四稍二十服已第七節中道駕後輔龍直

等二十一人拍板一篳篥十五笛十四人員一人長行

三十人樂器自備並是並紅錦候奎扇篴二十王人執

篴官一人控馬二人服並如紅龍扇二長洲幟頭紫公

廣武二人錦綉繡寬白銀束帶七寶輦舉士四十

二人什將人員十六人錦綉紅長行二十六人盤果幟

四機幟並持釵隊五十人旅帥二人都尉重輪旗二旗

五人服同紅羅大傘二大雉扇八小雉扇八紅羅繡華

蓋一正并繡寶相花衫朱團扇八黃寶相真武幢一寶

二十四駕士八十人

武弁緋緋雲鶴大袖

黃鉞車亦馬

二駕士十五人

武弁緋緋對鶴人袖

豹尾車赤馬二駕士

十五人

武弁緋緋立豹大袖

玄武隊六十一人金吾折衝

都尉一人

平巾緋紫辟邪

初革

爆稍二平巾幘緋寶相

仙童旗一玄武旗一騰蛇旗一神立旗一旗五人

服執如前

例稍十九弓矢十五弩四

平巾幘緋寶相花衫革帶袴

黃麾後第四

部二百七十二人第五部二百七十二人第六部二百

七十二人攝官名數服色並如前第四第五第六部絳

引幡二十執者六十人

並武弁緋緋寶相花衫銀抹襖帶大口袴

諸從駕官

並于仗後陪從朝服不足者公服

凡處乘馬者並同宋制

世宗大定三年祫享用黃麾仗三千人分四節 第一即

無縣令府牧即用黃麾前三部次前部鼓吹次金吾牙
門旗次駕頭次引駕龍墀隊次天王十二辰等旗 第
二節黃麾第四第五部次君王萬歲日月旗次御馬內
增控馬司圍挾馬司圍各二十六人次日月合璧五星
連珠等旗次八寶內增執黑杖傳唱一十八人在香案
前次七寶輦 第三節黃麾後第一第二部次王輅次
栲栳隊次導駕門仗官 第四節黃麾後第三第四第
五部次金輅次牙門旗次後部鼓吹大定六年九月西
京還都用黃麾仗二千五百四十二人攝官騎七百六
十二匹分四節 第一節攝官五十一人執擎二百二
人樂工一百七十人 第二節攝官三十二人執擎三

百七十六人 第三節仗內攝官四十四人導駕官四
十二人門仗官一百人玉輅青馬八駕士一百四十人
護駕榜桡隊五百人執擎二百四十二人 第四節攝
官五十人金輅赤馬八駕士九十四人控鶴二十二
人樂工八十四人執擎二百九十人 是歲世宗還自西
京有司備儀仗皇太子乘金輅上疑其非禮以問禮官
無能知者上怒皆責降明年將冊皇太子宰臣奏當儀
仗告廟上曰前朕受尊號謁廟但令朕用宋真宗故事
朝服乘馬于禮甚輕今皇太子乃用備禮何耶丞相良
弼謝上徐曰此文臣因循不加意耳先是凡行幸皆役
民執仗是後詔以軍士易之大定十一年將有事于南

郊朝享太廟左右石琚奏其禮上曰前朝漢人祭天惟
務整肅儀仗此自奉耳非敬天也朕謂祭天在誠不在
儀仗之盛也其減半用之于是遂增損黃麾仗為大駕
鹵簿凡用七千人在內第一節第一引七十人縣令
第二引二百六十四人府牧第三引二百二十九人御
史大夫名色與府牧同願損其數而增行止旗一第
二節金吾皂隸一十二人朱雀隊三十四人指南記里
鼓車皆五十二人鸞旗車一十八人前隊鼓吹一百二
十九人清游隊七十二人內白澤旗五人綠貝裝冠綠
皮用動皮錦
臂鐃鐃刀引夾加弓折衝都尉二人黑平巾幘紫緇
天綠皮馬甲包尾全和袍革帶銀緋大
口移鐃勝蛇弩六弓矢二十四羽三十並鐃帽青緇
相花衫革帶銀
攢刀弓矢

相六 伙飛隊四十人內果毅都尉二黑平巾幘紫繡飛

口傳錦騰蛇虞候伙飛三十人口缺甲兜半機刀缺甲伙

飛一十六人如執前部馬隊第一隊六十四人第二第

三隊皆六十人第四第五隊皆五十八人父叉仗五十

四人內帥兵官二人黑平巾幘緋寶相花衫革父二十

六叉二十六五色寶相花衫林行止旗一緋繡寶相花

口抹大第三節前隊鼓吹第二三百六十九人前步

甲隊第一至第五隊皆四十二人衙門旗二十人黃麾

前第一部一百五十人第二部一百二十人父叉仗五

十八人行止旗一 第四節黃麾幡三人六軍儀仗二

百二十六人御馬三十三人黃麾前第三至第五部皆

一百二十人青龍白虎隊五十二人戈叉仗五十六人

行止旗一 第五節八寶二百三十二人平頭輦三十

人七寶輦四十二人班劒儀刀隊二百人內將軍二人

折衝都尉二人平巾幘緋衫袍革帶銀班劒儀刀各

九十人並平巾幘緋衫袍革帶銀班劒儀刀各驍衛翊衛隊六

十人內供奉即將二員黑平巾幘緋衫袍革帶銀班劒儀刀各鳳旗

二各五人黑平巾幘緋衫袍革帶銀班劒儀刀各夾轂隊第

一隊九十二人內折衝都尉二人平巾幘緋衫袍革帶銀班劒儀刀各

儀寶符旗二各五人朱蓋甲力盾八十朱甲錦臂鞞第

二隊八十二人內果毅都尉二人白澤飛黃旗二各五

人銀褐蓋甲力盾七十第三隊八十二人內果毅都尉

二人赤豹抱吉利旗二各五人皂鑿甲刀盾七十受又仗

五十六人行止旗一 第六節馬步門旗隊一百人駕

頭一十五人廣武官茶酒班執從物者二十三人御龍

直四十人紅錦團內人員二皂帽三十八人玉輅一百

五十一人栲栳隊五百人內金鎗隊一百二十六人分

左右人員十八並缺甲皂帽紅錦背子長行一百八人

鐵甲兜牟紅錦背子錦背銀鎗隊一百二十六人人員

十八長行一百八人上銀鎗弓箭直步隊一百二十四

人人員四鐵甲皂帽紅錦團花戰長行一百二十人

鐵笠紅錦團花戰骨朵直步隊一百二十四人人員四

長行一百二十人脫甲同上金吾牙門旗二十人黃麾

後第一部一百五十人第二部一百二十人及又仗五

十二人行止旗一 第七節扇篋二十五人金輅九十

四人大安輦一百八十一人內尚輦奉御二人殿中少

監二人奉職官二人並公令史四人書令史四人七人

績緋四襖素衫銀褶并帶大口袴皂靴掌輦四人武弁

一人長脚幞頭紫羅公服角帶皂靴抹相花衫銀褶人員十二皂帽紅錦團襖銅束帶內昇

士一百五十一人掌軍御馬三十三人持銀隊三十九

人後部鼓吹一百六十人黃麾後第三至第五部皆一

百二十人後步甲隊第一至第二隊皆四十二人及又

仗五十六人行止旗一 第八節後部鼓吹第二一百

四十人象輅革輅木輅皆五十人進賢車二十五人豹

尾車一十八人屬車八十人玄武隊六十一人後步甲
隊第三至第五隊皆四十二人金吾牙門旗二十人後
步馬隊第一隊七十六人第二隊六十四人第三隊六
十人及又伏六十人行止旗一後分行旗止旗爲二以上名數與
黃麾同者不重述

章宗明昌五年六月尚書省奏大定六年世宗自西京還
都採宋省方還京之儀用黃麾伏二千人及金玉輅撈
棹隊甲騎五百人導駕官四十二員自後遂不復用屬
車駕幸景明宮還都之日宜依用之制可承安元年省
臣奏南郊大禮鹵簿當用人二萬一千二百一十八馬
八千一百九十八世宗親行郊祀伏用七千人今擬大

定制外量添甲卒三百拷掠執搃人二百四十八通
七千五百四十八人仍分八節從之泰和六年上欲親
行祀享命有司計其役費尚書省奏當用仗三千五百
人錢一萬餘貫馬八百六十五匹舊例馬皆借用于民
親軍班祇皆自備從事今軍旅方興官馬已備緩急不
可借用民亦不可重擾宜令有司攝事上詔再議之八
年四月禘于太廟依元年例用黃麾仗三千人屯門仗
五百人

常行儀仗衛 弩手二百人軍使五人控鶴二百人首
領四人俱服紅地藏根牡丹錦襖金鳳花交角幞頭塗
金銀束帶控鶴或皂帽碧襖各執金塗銀蒜瓣骨朵長

行四百人奉脚幘頭紅錦四袂襖金束帶二人紫衫
前導無執物餘執刻絲骨朵七十八瓜八十八鎗三十
四在控鶴前金吾仗八十金花大劔六十俱垂紅絨結
子儀鎗斧五十八在控鶴後其常朝御殿郊廟臨幸九
步輦出入則有近侍導從執金鍍銀骨朵者二人左右
扇十人佛子四人香盒二人香毬二人節二人幢二人
盂一人唾壺一人淨巾一人鋤鐮一人水錫一人交椅
一人斧一人皇帝出閣則分立閣門之外導引至殿皇
帝升座則降階以俟入閣然後放仗

續文獻通考卷之一百二十八終